

Matumuuna Inatsisartut Suleriaasianni § 33, imm. 4 naapertorlugu aalajangiiffigisassatut siunnersuut manna Naalakkersuisut saqqummiuppaat.

**Assilineqatsaaliuineq pillugu inatsisip inatsisillu allat assigiinngitsut allannguutaat pillugit inatsisip nr. 1370, 28. december 2011-meersup Kalaallit Nunaanni atuutilerneranik peqqussut pillugu Inatsisartut aalajangiiffigisassaattut siunnersuut** (Inuussutissarsiornermut Aatsitassanullu Naalakkersuisoq)

### **Tunngavilersuutaasoq**

Patent aamma Varemærkestyrelsip akiliuteqartitseriaasiata allannguuteqarani ingerlateqqinneqarsinnaanissaata qulakkeerneqarnissaa, allannguutissatut siunnersuuteqarnermi siunertaavoq. Inatsit aqutigalugu assilineqatsaaliuinissaq, nioqqutissanik allagartalersuissutissat il.il. pillugit qinnuteqaatinut aammalu pisinnaatitaaffinnut tunniunneqarsimasunut tunngatillugu Patent aamma Varemærkestyrelsip suliaassanik suliarinnittarneranut akiliutissat, inatsisini Aqutsisoqarfiup aqutaanni toqqaannartumik aalajangersagaalerput. Inatsimmi akiliutinut aalajangersakkat, maannamut nalunaarummi inatsisitigut tunngaveqarsimagaluartut, inatsisinut attuumassuteqarfingeqartunut nuunneqarput, taamaalillunilu suliaasaqarfimmi Naalagaaffimmi kukkunersiuisartup inassuteqaatai malinneqalerlutik.

Taamaalilluni inatsisip allannguutaani Patent aamma Varemærkestyrelsip maannakkut akiliutinut ilusiliinera attatiinnarneqarpoq aammalu peqatigisaanik inatsisini naapertuutinnngitsut ataasiakkaat annikinnerusumik iluarsinerinik allanik imaqarluni.

### **Inatsisissatut siunnersuutip imai**

Inatsisini ataasiakkaani allannguutit matuma kinguliani taagorneqarput.

*Assilineqatsaaliuineq pillugu inatsit, inatsisip allannguutaani § 1*

- Akiliutissat pillugit aalajangersakkanik ilanngussineq
- Akiliisarnissaq pillugu maleruagassanik aalajangersaanissamut ministerimut piginnaatitsissutinut aalajangersakkanik allannguuteqartitsineq
- Malittaasunik iluarsiiinerit iluarsiiinerillu allat
- Allannguuteqartitsinerimut inatsimmi § 1, pkt. 9-imi aalajangersagaq assilineqatsaaliuinerimut inatsimmi § 88-imut tunngasoq Kalaallit Nunaannut atuutsinneqalissanngilaq, pissutigalugu aalajangersagaq assilineqatsaaliuinerimut europameersunut tunngassuteqarmat. Assilineqatsaaliuinerimut europameersunut maleruagassat Kalaallit Nunaanni atuutinngillat.

*Nioqqutissat ilisarnaataat pillugit inatsit, ilusilersuinerimut inatsit aamma ilisserutit pillugit inatsit, inatsisip allannguutaani §§ 2-4*

- Akiliutissat pillugit aalajangersakkanik ilanngussineq
- Akiliisarnissaq pillugu maleruagassanik aalajangersaanissamut ministerimut piginnaatitsissutinut aalajangersakkanik allannguuteqartitsineq
- Malittaasunik iluarsiiinerit iluarsiiinerillu allat

*Ataatsimut ilisarnaatit pillugit inatsit, inatsisip allannguutaani § 5*

- Inatsimmi § 2-imi akiliutit pillugit oqaasertamik ilanngussinissaq
- Akiliisarnissaq pillugu maleruagassanik aalajangersaanissamut ministerimut piginnaatissititut aalajangersakkanik allannguuteqartitsineq

*Diodit, transistorit assigisaasalu ilusaasa illersugaanerit pillugu inatsit, inatsisip allannguutaani § 6*

- Inatsisip allannguutaani § 6 Kalaallit Nunaanni atuuttussanngortinneqassanngilaq, pissutigalugu allannguutit aamma inatsisaaqqaartup Kalaallit Nunaannut atuutinneqalernissaannut inatsisitigut tunngavissaqanngimmat.

*Assilineqatsaaliuinerit isertuussat pillugit inatsit, inatsisip allannguutaani § 7*

- Allannguut Kalaallit Nunaannut atuutinneqalissanngilaq, assilineqatsaaliuinerit isertuussat pillugit inatsit Kalaallit Nunaannut atuutinneqalersimannngimmat.

*Sulisartut nassaavi pillugit inatsit, inatsisip allannguutaani § 8*

- Allannguummi paarnaarussaannermik pineqaatissinneqarnerup atorunnaarsinneqartarnera pineqarpoq. Paarnaarussaannermik pineqaatissinneqartarneq, qaammatit sisamat tikillugit paarnaarussivimmiitinneqarluni pineqaatissinneqartarnermik taarserneqarpoq. Kalaallit Nunaannut pinerluttulerinermut inatsimmi, paarnaarussaannermik pineqaatissinneqartarneq aamma paarnaarussivimmiinneq ilaatinneqanngimmata, allannguut Kalaallit Nunaannut atuutinneqalissaaq oqaasertalerneqassalluni "Kalaallit Nunaanni pinerluttulerineq pillugu inatsimmi pineqaatissiinerit".

### **Aningaasaqarnikkut sunniutaasussat**

Allannguutissatut inatsimmi Patent aamma Varemærkestyrelsip maannakkut akiliutitut ilusiliinera attatiinnarneqarpoq aammalu peqatigisaanik inatsisini naapertuutinningsut ataasiakkaat annikinnerusunik iluarsineqarnerinik imaqarluni.

Taamaattumik siunnersuut aningaasaqarnikkut sunniuteqassanngilaq.

### **Attaveqatigiinneq**

Soqanngilaq

### **Tusarniaaneq**

Siunnersuut Namminersorlutik Oqartussat iluanni tusarniaassutigineqarpoq, tusarniaanermut nittartakkamiilluni aammalu toqqaannartumik KANUKOKA-mut, Kalaallit Nunaanni Politiinut, Nunap eqqartuussivianut, Kalaallit Nunaanni Sulisitsisut Peqatigiiffianut, KNAPK-mut, SIK-mut, IMAK-imut, PIP-imut aamma ASG-imut nassiuinneqarluni.

Tusarniaanermut akissuteqaatinik isorinnittunik tigusaqartoqanngilaq.

SIK apeqquteqarpoq, soq assilineqatsaaliuinerit isertuussat pillugit inatsit Kalaallit Nunaannut atuutinneqalersimannnginnersoq. Tassunga atatillugu Naalakkersuisoqarfiup SIK akissuteqarfignaa, Kalaallit Nunaanni inunnik imaluunniit suliffeqarfinnik sorsunnermut atortussanut tunngasunik nassaarniarnermik suliaqartoqanngimmat taamaattumillu suliaqqarfiup atorineqanngitsup maleruagassiivigineqarnissaa pisariaqartinneqarsorineqanngimmat, assilineqatsaaliuinerit isertuussat pillugit inatsit Kalaallit Nunaannut atuutinneqalersimannngitsaq.

Taamatut oqaaseqarlutik Naalakkersuisut inassutigaa Inatsisartut aalajangissasut, Namminersorlutik Oqartussat akuerisinnaagaat:

Assilineqatsaaliuineq pillugu inatsisip inatsisillu allat assigiinngitsut allannguutaat pillugit inatsisip nr. 1370, 28. december 2011-meersup Kalaallit Nunaanni atuutilerneranik peqqussut Kalaallit Nunaannut atuutsinneqalissasoq.

**Ilanngussanut takussutissiaq**

1) Assilineqatsaaliuineq pillugu inatsisip inatsisillu allat assigiinngitsut allannguutaat pillugit inatsisip nr. 1370, 28. december 2011-meersup Kalaallit Nunaanni atuutilerneranik peqqussut.